

STATUTI
I SHOQËRISË ME PËRGJEGJËSI TË KUFIZUAR
“AA Invest” SHPK

Sot, më 04.06.2021, themelohet një shoqëri me përgjegjësi të kufizuar, në përputhje me dispozitat e ligjit nr. 9901, datë 14.04.2008 “Për tregtarët dhe shoqëritë tregtare” i ndryshuar (në vijim, “**Ligji për Shoqëritë Tregtare**”), nga personat si vijon:

- (i) **Artan Kraja**, shtetas shqiptar, lindur më 16.07.1967, në Shkodër, mbajtës i letërnjoftimit me numër personal: G70716045V, banues në adresën: “Rr. Mihal Grameno, P. 78/4, Nd. 4, Ap. 36, Njësia Bashkiake Nr. 2, Tiranë, Shqipëri”; dhe
- (ii) **Argento Avdi**, shtetas i Maqedonisë së Veriut, lindur më 05.08.1978, në Kroaci, mbajtës i pasaportës me numër: K0109051, banues në adresën: “Poststrasse 109 8957 Spreitenbach, Zvicër”;

(Artan Kraja dhe Argento Avdi, në vijim së bashku referuar si “**Ortakë**” dhe veçmas si “**Ortak**”).

Shoqëria dhe marrëdhëniet midis Ortakëve të saj rregullohen nga legjislacioni shqiptar në fuqi dhe dispozitat e këtij statuti (në vijim, “**Statuti**”), i cili shërben gjithashtu si akt themelimi i shoqërisë.

KAPITULLI I

THEMELIMI, EMRI, SELIA, OBJEKTI I VEPRIMTARISË, KOHEZGJATJA, DEGËT DHE ZYRAT E PËRFAQËSIMIT, PËRGJEGJËSITË E ORTAKËVE

Neni 1

Themelimi dhe Emri

- 1.1. Më 04.06.2021, Ortaku i sipërpërmendur themeloi një shoqëri me përgjegjësi të kufizuar, të emërtuar “**AA Invest**” (në vijim, “**Shoqëria**”). Shoqëria fiton personalitet juridik pas regjistrimit në Regjistrin Tregtar Shqiptar, të mbajtur nga Qendra Kombëtare e Biznesit.
- 1.2. Ndryshimi i emrit të Shoqërisë kryhet me vendim të Asamblesë së Përgjithshme.

Neni 2

Forma ligjore

- 2.1 “**AA Invest**” është një shoqëri me përgjegjësi të kufizuar (SHPK).
- 2.2 Gjatë kohëzgjatjes së saj, emri i Shoqërisë do të shoqërohet nga prapashtesa “SHPK” duke treguar formën e saj ligjore të një shoqërie me përgjegjësi të kufizuar sipas legjislacionit shqiptar në fuqi.

Neni 3

Selia

- 3.1 Selia Shoqërisë do të jetë në adresën: “*Rruga Ismail Qemali, pallati nr.27, hyrja 1, kati VI, Apartamenti 24, Tiranë, Shqipëri*”.

3.2 Shoqëria mund të ndryshojë selinë e saj me vendim të Asamblesë së Përgjithshme.

Neni 4

Objekti i veprimtarisë

- 4.1 Objekti i veprimtarisë së Shoqërisë në Shqipëri dhe jashtë saj është ndërtimi, operimi, menaxhimi i resorteve turistike, hoteleve; blerja, administrimi, qiradhënia dhe shitja e pronave të paluajtshme; sigurimi i shërbimeve të turizmit dhe/ose argëtimit (të tilla si, por pa kufizime, klube golfi, klube jahtesh, etj.); blerja, shitja dhe menaxhimi i interesave dhe/ose pjesëmarrja në shoqëri të tjera (ekzistuese dhe/ose të mëvonshme) që ndjekin dhe ushtrojnë veprimtari ligjore në këtë fushë).
- 4.2 Shoqëria mund të kryejë të gjitha operacionet tregtare, industriale, financiare, operacione me pasuri të luajtshme dhe të paluajtshme që konsiderohen të nevojshme ose të dobishme për t'u kryer dhe për të përmbushur qëllimin e veprimtarisë së saj, duke specifikuar që veprimtaria financiare do të kryhet posaçërisht në kuadër të këtij objekti veprimtarie.
- 4.4 Shoqëria mund të ndryshojë objektin e veprimtarisë së saj, në çdo kohë, në përputhje me dispozitat e Ligjit për Shoqëritë Tregtare dhe këtij Statuti.

Neni 5

Kohëzgjatja

- 5.1 Shoqëria do të kryejë veprimtarinë e saj për një periudhë të pakufizuar kohore, duke filluar nga data e regjistrimit në regjistrin tregtar.
- 5.2 Shoqëria mund të ndryshojë kohëzgjatjen e veprimtarisë së saj me vendim të Asamblesë së Përgjithshme, në përputhje me rregullat e përcaktuara në këtë Statut.

Neni 6

Degët dhe zyrat e përfaqësimit

Shoqëria mund të hapë degë, shoqëri të kontrolluara, zyra përfaqësimi dhe të kryejë veprimtari biznesi në vende të tjera, brenda ose jashtë territorit të Republikës së Shqipërisë, me vendim të Asamblesë së Përgjithshme.

Neni 7

Përgjegjësitë e Ortakëve

- 7.1 Ortakët nuk janë përgjegjës për detyrimet e Shoqërisë, si dhe mbulojnë personalisht humbjet e saj deri në vlerën kontributeve të pashlyera, të tyre, në kapitalin e shoqërise.
- 7.2 Ortakët do të ushtrojnë detyrat e tyre me kujdesin e duhur dhe ndershmëri në përputhje me dispozitat e legjislacionit në fuqi.

KAPITULLI II

KAPITALI I SHOQËRISË DHE KUOTAT, ZMADHIMI DHE ZVOGËLIMI I KAPITALIT TË PËRBASHKËT, TRANSFERIMI I KUOTAVE

Neni 8

Kapitali dhe kuotat

- 8.1 Kapitali i Shoqërisë është në para, i barabartë me 10 000 000 (dhjetë milionë) Lekë. Kapitali i Shoqërisë është i papaguar.
- 8.2 Kapitali i Shoqërisë, i përbërë nga 2 (kuota), është në pronësi dhe është tërësisht i nënshkruar nga Ortakët si vijon:

- (i) **Artan Kraja**, shtetas shqiptar, lindur më 16.07.1967, në Shkodër, mbajtës i letërnjoftimit me numër personal: G70716045V, banues në adresën: "Rr. Mihal Grameno, P. 78/4, Nd. 4, Ap. 36, Njësia Bashkiake Nr. 2, Tiranë, Shqipëri", zotërues i një kuote, me vlerë nominale 5 000 000 (pesë milionë) Lekë, që përkon me 50% (pesëdhjetë përqind) të kapitalit të shoqërisë, si dhe me 50% (pesëdhjetë përqind) të të drejtave të votave në Asamblenë e Përgjithshme; dhe
- (ii) **Argento Avdi**, shtetas i Maqedonisë së Veriut, lindur më 05.08.1978, në Kroaci, mbajtës i pasaportës me numër: K0109051, banues në adresën: "Poststrasse 109 8957 Spreitenbach, Zvicër", zotërues i një kuote, me vlerë nominale 5 000 000 (pesë milionë) Lekë, që përkon me 50% (pesëdhjetë përqind) të kapitalit të shoqërisë, si dhe me 50% (pesëdhjetë përqind) të të drejtave të votave në Asamblenë e Përgjithshme;

Neni 9

Zmadhimi i kapitalit të Shoqërisë

Kapitali i Shoqërisë mund të zmadhohet, në çdo kohë, vendim të Asamblesë së Përgjithshme.

Neni 10

Zvogëlimi i kapitalit të Shoqërisë

Kapitali i Shoqërisë mund të zvogëlohet me vendim të Asamblesë së Përgjithshme.

Neni 11

Transferimi i kuotave të kapitalit të regjistruar

- 11.1 Transferimi i kuotave do të realizohet vetëm nëpërmjet një dokumenti të shkruar, sipas legjislacionit shqiptar në fuqi.
- 11.2 Nëse kapitali Shoqërisë zotërohet nga më shumë se 1 (një) Ortak, kufizimet vijuese (siç përcaktohen në pikat 11.3 e vijuese të këtij neni 11) do të zbatohen në lidhje me transferimin e kuotave, me qëllim mbrojtjen e interesave të Shoqërisë, unitetin e Ortakëve dhe qëndrueshmërinë e marrëdhënies së tyre.
- 11.3 Në rast se një Ortak dëshiron të transferojë kuotën e tij (përfshirë një transferim pa kompensim) te palët e treta, transferimi i nënshtrohet të drejtës së parablerjes të Ortakëve ekzistues të

Shoqërisë në lidhje me kuotën (pjesën e kuotës) që synohet të transferohet, në përputhje me sa parashikohet në pikat 11.4 e vijuese më poshtë.

Për shmangien e çdo dyshimi, transferimi i kuotave tek një palë e tretë cfarëdo në shkelje të të drejtave parablerjes së Ortakëve të tjerë është i parregullt dhe, për këtë arsye, është i pavlefshëm.

- 11.4 Ortaku që synon të shesë ose transferojë pjesën e tij në kapitalin e shoqërisë ose ndonjë pjesë të tij, duhet të njoftojë përmes një shkrese zyrtare ose përmes postës elektronike ("**Njoftimi i Transferimit**") Ortakët e tjerë. Njoftimi duhet të përfshijë të dhënat personale të transferuesit dhe identifikimin e përfituesit, vlerën e kuotës (ose një pjesë të saj) që synohet të transferohet, kushtet dhe afatet e transferimit, përfshirë çmimin ("**Çmimi i Përshkruar**") dhe mënyrën e pagesës.
- 11.5 Njoftimi i Transferimit do të specifikojë një periudhë ("**Periudha e Përshkruar**"), e cila nuk do të jetë më pak se 60 (gjashtëdhjetë) ditë nga data pasardhëse e lëshimit të Njoftimit për Transferim, periudhë brenda së cilës oferta duhet të pranohet ose refuzohet. Njoftimi për Transferimin, pas dërgimit të tij, është i pakthyeshëm.
- 11.6 Çmimi i Përshkruar do të jetë një çmim që do të përcaktohet nga transferuesi dhe do të konsiderohet se pasqyron një vlerë të drejtë të kuotës.
- 11.7 Ortaku i njoftuar duhet të ushtrojë të drejtën e tij të parablerjes mbi pjesëmarrjen e Ortakut/transferuesit të treguar në njoftim, duke i dërguar Ortakut që ofron dhe administratorit/ve deklaratën për ushtrimin e së drejtës së tij të parablerjes me një shkresë zyrtare brenda afatit të parashikuar në njoftim.
- 11.8 Nëse, deri në fund të Periudhës së Përshkruar, nuk është marrë asnjë njoftim pranimit ose jo e gjithë pjesa (ose një pjesë e saj) në Njoftimin e Transferimit nuk është pranuar nga blerësi, transferuesi do të ketë të drejtë të transferojë pjesën e tij të një palë e tretë në një çmim i cili nuk është më i ulët se Çmimi i Përshkruar. Transferuesi do të njoftojë paraprakisht me shkrim identitetin e palës së tretë ("**Transferuesi i Synuar**") të cilit ai synon t'ia shesë kuotën (ose një pjesë të saj) Ortakëve të tjerë të shoqërisë.
- 11.9 Pëlqimi me shkrim i Ortakëve të tjerë, për transferimin e kuotave tek Transferuesi i Synuar, do të konsiderohet një kusht paraprak për të drejtën e Ortakut për të transferuar pjesën e tij (ose një pjesë të saj) të Transferuesit i Synuar.
- 11.10 Asnjë Ortak nuk lejohet të vendosë si garanci, të lërë peng apo si ngarkojë me barrë tjetër kuotën përkatëse. Asnjë Ortak nuk do të japë opSION apo të drejtë të tjera për të disponuar ndonjë interes mbi kuotat e zotëruara prej tyre (përveç transferimit në përputhje me dispozitat e këtij neni 11). Asnjë Ortak nuk do të hyjë në ndonjë marrëveshje në lidhje me të drejtat e votës që lind nga posedimi i kuotës përkatëse ose tituj në Shoqëri ose të japë ndonjë opSION në lidhje me to.
- Dispozitat e kësaj pike 11.10 mund të shfuqizohen vetëm në bazë të një vendimi të Asamblesë së Përgjithshme.
- 11.11 Çdo transferim i kryer në kundërshtim me dispozitat e mësipërme të këtij neni 11 do të konsiderohet i pavlefshëm dhe Ortaku transferues do të jetë përgjegjës ndaj Ortakëve të tjerë dhe Shoqërisë për dëmet e shkaktuara.
- 11.12 Dispozitat e këtij neni 11 zbatohen gjithashtu për pasardhësit ligjorë dhe/ose testamentarë të Ortakëve (sipas rastit).

KAPITULLI III
ORGANET E SHOQËRISË

Neni 12

Asambleja e Përgjithshme

Në përputhje me legjislacionin në fuqi dhe dispozitat e këtij Statuti, Asambleja e Përgjithshme është organi më i lartë vendimmarrës i Shoqërisë. Vendimet e Asamblesë së Përgjithshme, kur merren në përputhje me legjislacionin në fuqi dhe këtë Statut, janë të detyrueshme për Shoqërinë.

Neni 13

Të drejtat dhe detyrimet e Asamblesë së Përgjithshme

13.1 Asambleja e Përgjithshme është përgjegjëse për të vendosur në lidhje me çështjet si vijon:

- a. përcaktimin e politikave financiare të Shoqërisë;
- b. ndryshimin e Statutit;
- c. emërimin dhe shkarkimin e administratorit/ve;
- d. emërimi dhe shkarkimi i likuiduesve dhe audituesve ligjorë;
- e. ndarjen e kuotave dhe anulimin e tyre;
- f. zmadhimin ose zvogëlimin e kapitalit të Shoqërisë;
- g. miratimin e pasqyrave financiare, të raporteve të administrimit dhe mbikëqyrjes, përfshirë, por pa u kufizuar, raportet vjetore të ecurisë së Shoqërisë;
- h. miratimin e rregullave procedurale në lidhje me mbledhjet e Asamblesë së Përgjithshme;
- i. miratimin e shpërndarjes së fitimeve vjetore;
- j. miratimin e skemës së shpërblimit për administratorin/ët, likuiduesit dhe audituesit ligjorë;
- k. ristrukturimin, prishjen, transformimin, bashkimin, ose likuidimin e Shoqërisë ose riorganizimin e saj në një formë tjetër ligjore;
- l. ndryshimin i statusit ligjor dhe/ose formës ligjore dhe mbylljen e Shoqërisë;
- m. blerjen e kuotave/aksioneve në shoqëri të tjera ose transferimin e kuotave/aksioneve të Shoqërisë ose të ndonjë pjesëmarrjeje që Shoqëria ka në shoqëri të tjera;
- n. themelimin, mbylljen dhe/ose likuidimin e degëve, zyrave të përfaqësimit dhe shoqërive të kontrolluara;
- o. cdo lloj shitje, blerje apo transferim të pronave/aseteve të paluajtshme të Shoqërisë tek palë të treta;
- p. mosshpërndarjen e fitimit sipas nenit 21 të këtij Statuti (*Shpërndarja e fitimit*);
- q. angazhimin e Shoqërisë në çdo biznes tjetër përveç veprimtarisë tregtare të saj;

- r. fillimin ose zgjidhjen e çdo procesi gjyqësor material jashtë rrjedhës së zakonshme të veprimtarisë tregtare;
 - s. çdo çështje tjetër e përcaktuar nga legjislacioni në fuqi dhe/ose këtë Statut.
- 13.2 Nëse shoqëria zotërohet nga një Ortak, të drejtat dhe detyrimet e asamblesë së përgjithshme ushtrohen nga Ortaku i vetëm. Të gjitha vendimet e marra nga Ortaku i vetëm regjistrohen në një regjistër të vendimeve, të dhënat e të cilit nuk mund të ndryshohen ose të fshihen. Duhet regjistruar në veçanti, por pa u kufizuar në to, vendimet për:
- a. miratimin e pasqyrave financiare vjetore dhe të raporteve të ecurisë së veprimtarisë;
 - b. shpërndarjen e fitimeve vjetore dhe mbulimin e humbjeve;
 - c. investime;
 - d. vendimet për riorganizimin dhe prishjen e shoqërisë.
- Vendimet e paregjistruara në regjistrin e vendimeve janë absolutisht të pavlefshme.

Neni 14

Thirrja e Asamblesë së Përgjithshme

- 14.1 Asambleja e Përgjithshme thirret në rastet e parashikuara nga legjislacioni në fuqi dhe ky Statut, sa herë që mbledhja e saj është e nevojshme për të mbrojtur interesat e Shoqërisë. Asambleja e Përgjithshme thirret të paktën një herë në vit. Asambleja e Përgjithshme e Ortakeve thirret në përputhje me nenet 83 dhe 84 të Ligjit për Shoqëritë Tregtare dhe këtë Statut.
- 14.2 Administratorët në diskrecionin e tyre, ose me kërkesë të një dhe/ose më shumë Ortakeve që përfaqësojnë të paktën 5% (pesë përqind) të të gjithë kapitalit të Shoqërisë dhe/ose audituesit ligjorë (nëse ka të tillë), si dhe/ose likuiduesit, kanë të drejtë të thërrasin Asamblenë e Përgjithshme. Një njoftim me shkrim i mbledhjes, duke përmendur qëllimin (et), vendin, datën dhe kohën e mbledhjes, do t'i dorëzohet nëpërmjet postës së regjistruar/e-mailit secilit Ortak jo më vonë se 7 (shtatë) ditë para datës së mbledhjes.
- 14.3 Njoftimi i mbledhjes dërgohet me postë të regjistruar dhe/ose e-mail.
- 14.4 Mbledhjet e Asamblesë së Përgjithshme mbahen në ambientet e Shoqërisë ose në ndonjë vend tjetër jashtë tyre, pavarësisht nëse këto vende ndodhen në Shqipëri, ose diku tjetër jashtë Shqipërisë.
- Për Ortaket që banojnë në Shqipëri, kostot dhe shpenzimet për pjesëmarrjen në një mbledhje që do të zhvillohet jashtë vendit do të përballohen nga vetë Ortaket.
- 14.5 Mbledhjet e Asamblesë së Përgjithshme mund të bëhen gjithashtu përmes video-konferencave dhe/ose formave të tjera, mjeteve, kanaleve dhe/ose platformave të komunikimit elektronik, dixhital dhe/ose në internet, për sa kohë që identifikimi i secilit Ortak është i mundshëm teknikisht dhe pasqyrohet siç duhet në procesverbalin e mbledhjes.
- Në një rast të tillë, detajet specifike se si do të zhvillohet mbledhja do t'u njoftohen Ortakeve përmes një njoftimi zyrtar për mbledhjen.

- 14.6 Mbledhjet e Asamblesë së Përgjithshme do të zhvillohen në gjuhën Angleze. Çdo Ortak ose përfaqësues i Ortakut do të sigurojë shërbimet e përkthimit për veten e tij, nëse nuk ka aftësitë e nevojshme në gjuhën angleze.

Neni 15

Pjesëmarrja në mbledhjen e Asamblesë së Përgjithshme

- 15.1 Çdo Ortak ka të drejtë të marrë pjesë në mbledhjet dhe vendimet e Asamblesë së Përgjithshme, duke pasur të drejtë për një numër votash të barabartë me përqindjen e kuotës që zotëron në kapitalin e Shoqërisë.
- 15.2 Secili Ortak ka të drejtë të përfaqësohet në procesin e vendimmarrjes nga një Ortak tjetër, nga bashkëshorti ose nga ndonjë person tjetër fizik, në përputhje me dispozitat e legjislacionit në fuqi, me kusht që përfaqësuesit të autorizohen me prokurë për një qëllim të tillë.
- 15.3 Administratorët e Shoqërisë mund të marrin pjesë në mbledhjen e Asamblesë së Përgjithshme të Ortakeve, por nuk mund të përfaqësojë asnjë nga Ortaket në ndonjë prej mbledhjeve.

Neni 16

Kuorumi dhe vendimmarrja

- 16.1 Thirrja e Asamblesë së Përgjithshme në çdo rast është e vlefshme nëse Ortaket që zotërojnë më shumë se gjysmën e kapitalit të Shoqërisë marrin pjesë në mbledhjen përkatëse.
- 16.2 Për vendimet që kërkojnë një shumicë të zakonshme, Asambleja e Përgjithshme merr vendime të vlefshme me shumicën e votave të Ortakeve të pranishëm në mbledhje në përputhje me pikën 16.1 më lart.
- 16.3 Për vendimet që kërkojnë një shumicë të cilësuar, Asambleja e Përgjithshme merr vendime të vlefshme me 3/4 (*tre të katërtat*) e votave të Ortakeve të pranishëm në mbledhje, sipas korumit të treguar në pikën 16.1 më lart. Vendime të tilla përfshijnë edhe gjerat "b", "e", "f", "i", "k", "l", "m" dhe "n" të pikës 13.1 të nenit 13 të Statutit.
- 16.4 Nëse Asambleja e Përgjithshme nuk mund të thirret për shkak të mungesës së kuorumit të përmendur në pikën 16.1 më lart, Asambleja e Përgjithshme do të thirret përsëri jo më vonë se 30 (tridhjetë) ditë, me të njëjtin rend dite.
- 16.5 Asambleja e Përgjithshme gjithashtu mund të marrë vendime të vlefshme përmes një vendimi qarkullues.

Neni 17

Procesverbali i mbledhjes së Asamblesë së Përgjithshme

- 17.1 Të gjitha vendimet e Asamblesë së Përgjithshme regjistrohen në procesverbalin e mbledhjes. Procesverbali i mbledhjes duhet të përmbajë datën, vendin e mbledhjes, rendin e ditës, emrin e kryetarit të mbledhjes, emrin e sekretarit dhe rezultatet e votimit, si dhe çdo informacion tjetër të detyrueshëm të përcaktuar në dispozitat e Ligjit për Shoqëritë Tregtare.

- 17.2 Kryetari i mbledhjes cakton një sekretar/e me qellimin mbajtjen e procesverbalit të mbledhjes, i cili mund të mos jetë Ortak. Procesverbali i mbledhjes nënshkruhet nga kryetari i mbledhjes dhe sekretari.
- 17.3 Lista e pjesëmarrësve dhe njoftimi për mbledhjen e Asamblesë së Përgjithshme të Ortakeve i bashkëlidhen procesverbaleve të mbledhjeve.
- 17.4 Në rast të vendimeve të marra me anë të një vendimi qarkullues, vendimi duhet të nënshkruhet nga secili Ortak në mënyrë që të jetë i vlefshëm.

Neni 18

Administrimi i Shoqërisë

- 18.1 Shoqëria do të administrohet nga 2 (dy), të emëruar me vendim të Asamblesë së Përgjithshme.
- 18.2 Administratorët e Shoqërisë emërohen për një periudhë 5 (pesë) vjeçare secili (e rinovueshme). Administratorët mund të shkarkohen përpara skadimit të mandatit, me vendim të Asamblesë së Përgjithshme.
- 18.3 Administratorët janë së bashku përgjegjës për administrimin e Shoqërisë dhe përfaqësojnë së bashku Shoqërinë kundrejt palëve të treta në përputhje me dispozitat e këtij Statuti dhe/ose dispozitat e legjislacionit në fuqi. Administratorët kanë të gjitha kompetencat e administrimit të zakonshëm dhe të jashtëzakonshëm të Shoqërisë, përveç atyre kompetencave që janë të rezervuara për organet e tjera të Shoqërise sipas këtij Statuti dhe/ose legjislacionit në fuqi.
- 18.4 Administratorët kanë dhe ushtrojnë së bashku kompetencat dhe detyrat e mëposhtme në lidhje me administrimin e veprimtarisë së Shoqërisë:
- a. të mbikëqyrin dhe zbatojnë politikën tregtare të Shoqërisë dhe vendimet e Asamblesë së Përgjithshme;
 - b. me kërkesë të Asamblesë së Përgjithshme të Ortakeve, të marrin masa në kompetencë të tyre, të rekomandojnë vendime për tu marrë nga Asambleja e Përgjithshme dhe të zbatojnë këto vendime;
 - c. të sigurojnë që Shoqëria respekton legjislacionin në fuqi dhe standardet e kontabilitetit;
 - d. të kryejnë të gjitha veprimet në lidhje me administrimin e veprimtarisë tregtare të Shoqërisë;
 - e. të përfaqësojnë së bashku Shoqërinë përballë palëve të treta;
 - f. të sigurojnë që dokumentet dhe librat e kontabël të Shoqërisë të mbahen si duhet dhe të rregullta;
 - g. të thërrasin mbledhjet e Asamblesë së Përgjithshme kur çmohet e nevojshme për mbrojtjen e interesave të Shoqërisë;
 - h. të përgatisin dhe nënshkruajnë pasqyrat financiare vjetore të Shoqërisë, pasqyrat financiare të konsoliduara, të cilat i paraqiten Asamblesë së Përgjithshme për miratim, së bashku me propozimin për shpërndarjen e fitimeve, si dhe raportet vjetore të ecurisë së Shoqërisë;
 - i. të kryejnë të gjitha regjistrimet dhe publikimet e detyrueshme në lidhje me Shoqërinë, siç mund të kërkohej nga legjislacioni në fuqi;

- j. t'i raportojnë Asamblesë së Përgjithshme në lidhje me zbatimin e politikave tregtare;
 - k. të miratojnë fillimin apo përfundimin e ndonjë procedure ligjore;
 - l. të kryejnë çdo veprim, detyrë, kompetencë dhe/ose akt tjetër siç përcaktohet nga legjislacioni në fuqi dhe/ose ky Statut.
- 18.5 Administratorët mund të ushtrojë të gjitha kompetencat e Shoqërisë dhe të kryejë të gjitha veprimet e ligjshme, detyrat, kompetencat dhe/ose veprimet që – na bazë të ligjit, Statutit, apo cdo forme tjetër – nuk kërkohet të ushtrohen/kryhen nga Asambleja e Përgjithshme.
- 18.6 Administratorët të Shoqërisë janë individët si vijon:
- (i) **Artan Kraja**, shtetas shqiptar, lindur më 16.07.1967, në Shkodër, mbajtës i letërnjoftimit me numër personal: G70716045V, banues në adresën: "Rr. Mihal Grameno, P. 78/4, Nd. 4, Ap. 36, Njësia Bashkiake Nr. 2, Tiranë, Shqipëri"; dhe
 - (ii) **Argento Avdi**, shtetas i Maqedonisë së Veriut, lindur më 05.08.1978, në Kroaci, mbajtës i pasaportës me numër: K0109051, banues në adresën: "Poststrasse 109 8957 Spreitenbach, Zvicër".

KAPITULLI IV

AUDITIMI LIGJOR, VITI FINANCIAR DHE PASQYRAT FINANCIARE, SHPERNDARJA E FITIMIT

Neni 19

Auditimi ligjor

Nëse është e nevojshme, ose kërkohet nga ligji, rishikimi i pasqyrave financiare dhe regjistrave kontabël të Shoqërisë do të kryhet nga një auditues i ligjëruar, i caktuar nga Asambleja e Përgjithshme.

Neni 20

Viti financiar dhe pasqyrat financiare

- 20.1 Viti financiar fillon më datë 1 Janar dhe mbaron më datë 31 Dhjetor të çdo viti. Përfundimisht, viti i parë financiar fillon në datën e regjistrimit të Shoqërisë në Regjistrin Tregtar Shqiptar dhe mbaron më 31 Dhjetor të vitit 2021.
- 20.2 Shoqëria duhet të mbajë në mënyrë të plotë dhe të saktë librat kontabël të saj në adresën e saj të veprimtarisë, si dhe në vende të tjera të përcaktuara nga Asambleja e Përgjithshme. Këto dokumente, ndër të tjera, duhet të përbajnë të gjitha të ardhurat, shpenzimet, asetet dhe detyrimet e Shoqërisë.
- 20.3 Pasqyrat financiare vjetore dhe, nëse është rasti, raporti i audituesit ligjor miratohen nga Asambleja e Përgjithshme.

Neni 21

Shpërndarja e fitimit

Ortakët kanë të drejtë të marrin fitimin e deklaruar në pasqyrat financiare të Shoqërisë. Llogaritja e fitimit kryhet në fund të çdo viti financiar. Fitimi shpërndahet midis Ortakëve proporcionalisht me përqindjen e pjesëmarrjes së secilit prej tyre në kapitalin e Shoqërisë. Në mungesë të një vendimi të kundërt sipas germës "p" të nenit 13, Shoqëria shpërndan fitimin çdo vit, në përputhje me nenin 77 të Ligjit për Shoqëritë Tregtare.

KAPITULLI V

RIORGANIZIMI I SHOQËRISË, PRISHJA DHE LIKUIDIMI I SHOQËRISË

Neni 22

Prishja/likuidimi dhe riorganizimi i Shoqërisë

- 22.1 Shoqëria mund të prishet sipas rasteve të parashikuara nga legjislacioni në fuqi ose me vendim të Asamblesë së Përgjithshme. Prishja e Shoqërisë do të pasohet nga procedura e likuidimit.
- 22.2 Procedura e likuidimit kryhet në përputhje me legjislacionin shqiptar në fuqi.
- 22.3 Në rast prishjeje vullnetare të Shoqërisë, likuiduesi/ët emërohen me vendim të Asamblesë së Përgjithshme. Procedura e likuidimit dhe emërimit të likuiduesve kryhet në përputhje me legjislacionin shqiptar në fuqi.
- 22.4 Shoqëria mund të ndryshojë formën e saj ligjore sipas legjislacionit në fuqi. Riorganizimi nuk do të ketë pasojë në të drejtat dhe detyrimet që Shoqëria ka marrë persiper kundrejt palëve të treta.

KAPITULLI VI

DISPOZITAT PËRFUNDIMTARE

Neni 23

Zgjidhja e mosmarrëveshjeve dhe ligji i zbatueshëm

- 23.1 Shoqëria është themeluar sipas ligjeve të Republikës së Shqipërisë dhe ky Statut është hartuar dhe miratuar në përputhje me këto ligje.
- Dispozitat e Ligjit për Shoqëritë Tregtare do të zbatohen në lidhje me të gjitha çështjet që nuk janë të rregulluara në këtë Statut. Në rast të mospërputhjeve midis dispozitave të këtij Statuti dhe atyre të legjislacionit shqiptar në fuqi, dispozitat e këtij të fundit do të mbizotërojnë.
- 23.2 Të gjitha mosmarrëveshjet që mund të lindin në lidhje me zbatimin ose interpretimin e këtij Statuti, çdo mosmarrëveshje që lind midis Shoqërisë dhe palëve të treta do të paraqitet për zgjidhje përpara Gjykatës së Rrethit Gjyqësor Tiranë.

Neni 24

Të ndryshme

Ky Statut është hartuar në 2 (dy) kopje, me të njëjtën vlerë ligjore dhe përmbajtje, në gjuhët Shqipe.

Nënshkruar sot, më 04.06.2021:

Për ORTAKËT

Jona Aliço ~~jālico~~

Jona Aliço

Përfaqësues me prokurë